

Pućowanska šćežka abo puć dopóznaća

Luk 24,13-35

Přihot: Čaru wotpowědnje móžnosćam přihotować (hodži so jako pućowanje abo tež w swójskej zahrodže). Cedlki z prašenjemi jako pućniki rozdželić. W cilu, w zahrodže blido z chlébom a listowej wobalku z prawymi wotmołwami měć. Biblisku stawiznu přihotowanu měć. Snano cedlki, pisaki (jeli chceš prašenja a wotmołwy napisać)

Hłowna mysl

Jězus je mjez nami. Druhdy jeho njespóznažemy, druhdy jeho spóznažemy.

Hra

Kóžde prašenje so na čarje jako pućnik položi.

Bibliska stawizna wo wučomnikomaj po puću do Emawsa so čita. (Pak jedyn za wšěch přečita, abo kóždy jedyn wotrězk abo w rozdžělenych wosobach.)

Po tym so zhromadnje na puć poda.

W cilu steji blido z chlébom a leži list, w kotrymž su wotmołwy w njerjadowanej formje.

Wobdžělniki dyrbyja wróćo a wotmołwy prawje přirjadować.

Luk 24,13-35

¹³ A hlej, tón samy dzeń džěštaj dwaj z nich do wsy z mjenom Emaws, wot Jerusalema šěśćdžesat stadijow zdalenej. ¹⁴ Rěčeštaj mjez sobu wo wšěm tym, štož bě so stało.

¹⁵ Hdyž so tak rozmołwještaj a mjezsobu so prašeštaj, přibliži so Jězus sam a džěše z nimaj.

¹⁶ Jeju woči pak běštej dzeržanej, tak zo jeho njespóznaštaj. ¹⁷ A rjekny jimaj: „Wo čim sej to po puću tak powědataj?“ A wonaj zrudnaj zastaštaj. ¹⁸ A jedyn z njeju, z mjenom Kleofas, wotmołwi jemu: „Sy ty jenički cuzy w Jerusalemj, kiž njewě, što je so tam w tychle dnjach stało?“ ¹⁹ Wón rjekny jimaj: „Što je so stało?“ Wonaj wotmołwištaj: „To z Jězusom Nacaretskim, kiž bě profet, mócny w skutku a słowje před Bohom a přede wšěm ludom. ²⁰ Kak su jeho naši wyši měšnicy a čłonojo Wysokeje rady wudali k zasudženju na smjerc a jeho skřižowali? ²¹ My však so nadžachmy, zo wón israelski lud wumóže. A ke wšemu tomu je džensa hižo třěci dzeń, zo je so to stało. ²² Někotre z našich žónskich však su nas naplósili, dokelž pobychu rano při rowje, ²³ ale jeho čěło njenamakachu. Přińdžechu a rozprawjachu, zo su tež widželi zjewjenje jandželow, kotrajž jim prajištaj, zo je wón žiwy. ²⁴ Někotři z našich džěchu potom k rowej a nańdžechu wšo tak, kaž běchu žónske prajili, ale jeho samoho njewohladachu.“ ²⁵ A wón rjekny jimaj: „Ow krótkomyslnaj a słabowólnaj k wěrjenju wšeho toho, štož su profeca rěčeli: ²⁶ Njeměješe Mesias to ćerpjeć a tak zastupić do swojeje krasnosće?“ ²⁷ A spočawši z Mójzesom a wšěmi profetami wukładowaše jimaj ze wšitkich Pismow, štož běše wo nim pisane. ²⁸ Tak so bližichu ke wsy, do kotrejež džěštaj, a wón činješe, jako by chcył dale hić, ²⁹ ale wonaj nućeštaj jeho prajo: „Wostań z namaj, dokelž so hižo wječori, a dzeń je so nachilił.“ A wón z nimaj zastupi. ³⁰ Hdyž za blidom sedžachu, wza wón chłěb, požohnowa jón, łamaše a dawaše jimaj. ³¹ Tu wotewrěštej so jimaj woči a spóznaštaj jeho, ale wón so jimaj z wočow zhubi.

³² A rěčeštaj mjez sobu: „Njehorješe so namaj wutroba, jako po puću z namaj rěčeše a namaj Pisma wukładowaše?“ ³³ A stanywši w tej samej hodžinje chwataštaj do Jerusalema. Namakaštaj jědnačoch a jich towaršow zhromadženych.

³⁴ Či prajichu: „Knjez je woprawdže stanył a so Symanej pokazal.“ ³⁵ Tež wonaj rozprawještaj, što bě so jimaj po puću stało, a kak běštaj jeho při łamanju chłěba spóznałoj.

Prašnja a wotmołwy

Prašnja k markěrowanju puća a wotmołwy we wobalce w cilu:

Štó napisa najkrótsu knihu w bibliji
a kak wona rěka?

Jan –
2. list swjateho japoštoła Jana

Swjate pismo wobsteji z
3 500 000 _____.

pismikow

Kak rěka najstarši muž biblije?

Metusalem

Što stwori Bóh na 7. dnju?

ničo

Kelko kilometrow
je 60 stadijow?

60 x 200 m = 12 km

Kak rěkaja najwyša hora,
najdlěša rěka a
najhlubši jězor zemje?

Mount Everest,
Amaconas,
Bajkalski jězor

Kak rěka 1. dzeń tydženja
po Jutrach?

wutora

Kak mjenuja so dny,
kiž njejsu njedžele?

wšědne dny